



PNG LNG

10
Y
I
A

PNG LNG Envairomentel na Sospel Ripot
Yia 2019

ExxonMobil



ExxonMobil

PNG LNG i wok olsem wanpela han kampani bilong ExxonMobil insait long ko-vensa wantaim:



© ExxonMobil PNG Limited 2020

Corporate Separateness Notice: Nothing in this material is intended to override the corporate separateness of local entities. Working relationships discussed in this material do not necessarily represent a reporting connection, but may reflect a functional guidance, stewardship, or service relationship. Where shareholder consideration of a local entity matter is contemplated by this material, responsibility for action remains with the local entity. The terms corporation, company, affiliate, ExxonMobil, Exxon, Mobil, Esso, our, we and its, as used in this material may refer to Exxon Mobil Corporation, to one of its divisions, to the companies affiliated with Exxon Mobil Corporation, or to any one or more of the foregoing. The shorter terms are used merely for convenience and simplicity.

Data adjustments may occur after publication and as such, data may be revised in future Reports.

For the purposes of this Report, the currency conversion rate used, between Papua New Guinea Kina (PGK) and United States Dollars (US\$) is 0.2935 [PGK1 = US\$0.2935]. This rate is as published by the Bank of Papua New Guinea at 31 December 2019.

EKSEKETIV TOKTOK

ExxonMobil PNG Limited i winim 10-pela yia nau long kamapim na mekim bikpela wok long groim ikonomi bilong Papua Niugini.



Hides Ges Kondisening Plent long nait

Long 2019, Papua Niugini Likwifait Neturel Gas (PNG LNG) i winim wanpela bikpela mak gen long taim em i makim 10-pela yia bilong em long Papua Niugini. Long dispela 10-pela yia, PNG LNG i wokbung wantaim ol gavman, ol non-gavman ogenaiesen na ol komyuniti long mekim Papua Niugini i kamap wanpela wol-klas LNG saplaia.

Long taim prodaksen i bin stat long 2014, kampani i lodim samting olsem 43 milien ton bilong LNG na i salim 580 LNG kago i go long ol kastoma long Asia.

ExxonMobil PNG Limited (EMPNG) i wanpela han bilong Exxon Mobil Corporation, na em i go pas long mekim wok bilong PNG LNG prodaksen fasiliti wantaim ol ko-vensera patna olsem: Oil Search Limited, Kumul Petroleum Holdings Limited, Santos Limited, JX Nippon Oil and Gas Exploration Corporation, Mineral Resources Development Company Limited, wantaim ol wanwok bilong ol.

Dispela Envairomental na Sosel Ripot i givim ol toktok bilong wanem samting i bin kamap long sosel na envairomen wok bilong EMPNG long 1 Janueri – 31 Desemba 2019.

PRODAKSEN

LNG Plent i winim planti bikpela mak bilong prodaksen long 2019. Wanpela bilong ol em namba 500 LNG kago ol i bin lodim long mun Epril, wantaim rekod prodaksen wik long mun Jun na wanpela rekod prodaksen de long mun Ogas.

Namba wan komesel ron bilong balus i go long Komo ples balus i bin kamap long 2019 aninit long wanpela agrimen namel long Link PNG na EMPNG. Dispela ples balus i givim sevis bilong tupela komesel ron bilong balus i go i kam long Pot Mosbi long olgeta wik.

SEFTI NA HELT

EMPNG i winim mak bilong wol-klas sefti kalsa we insait long moa long 57 milien aua bilong wok, i no bin gat wanpela Lost Time Incident i bin kamap long LNG Plent. Long ol arapela ples bilong wok, kampani i no bin rekodim wanpela Lost Time Incident long moa long tupela yia nau na i no gat ol bikpela hevi bilong sefti i kamap long sikispela yia.

Insait long komitmen bilong em long *'Nobody Gets Hurt'*, EMPNG i kamapim wanpela Seif Sois program long dispela yia long strongim ol wokmanmeri long bihainim ol seif wei bilong wok long ples bilong wok. Seif Sois i bin het tok bilong 6th Enuel Kontrakta Sefti Lidasip Woksop, we i bin kamap long mun Septemba.


Long namba wan taim tru, EMPNG Falck Paia na Reskiu tim i bin go stap insait long Ekstrektiv Indastris Imejensi Rispons Salens egensim ol arapela maining na ges kampani bilong Papua Niugini long 2019. Tim i bin kamap namba wan long seksen bilong rop reskiu na ol i kamap namba tri long tiri sesen. Papua New Guinea Chamber of Mines and Petroleum i bin go pas long kamapim dispela Salens.

Long helpim ol wokmanmeri long lukautim gut helt bilong ol, EMPNG i kamapim Kalsa ov Helt program. Dispela program i gat foapela hap bilong en: baiometrik helt skringing; helt promosen na awenes; nutrisisenel awenes; na ol fisikel aktiviti.

Long 2019, Medesin na Okupesenenel Helt tim bilong EMPNG i bin kisim luksave bilong ExxonMobil Global Helt na Sefti Awot long namba tu taim gen long tupela yia.



Ol wokman i selebretim namba 500 LNG kago long LNG Plent Marin Teminal



Klinikel edukesen long klinik long Hides Ges Kondisening Plent

Long 2018, tim i bin kisim Awot long mekim awenes wok bilong mental helt long ples bilong wok. Na dispela awot gen long 2019 i luksave long rivi wok tim i bin mekim long Malaria Kontrol Progam, we ol i lukluk go insait long hevi bilong sik malaria.

ENVAIROMEN

EMPNG i strongim yet ol wok bilong em long envairomen, we ol i daunim level bilong paia long LNG Plent na long Hides Ges Kondisening Plent (HGCP) i go daun abrusim mak bilong taim prodaksen i bin stat. Long 2019, EMPNG i winim wanpela awot bilong Papua New Guinea Chamber of Mines and Petroleum long ol wok bilong em long envairomen, skulim ol manmeri long kisim moa save bilong wok, na pablikesen long data bilong baiodaivesiti.

Dispela hap bilong baiodaivesiti ofset program long skulim ol manmeri long kisim moa save bilong wok, i kamap bikpela. I bin gat tupela Komyuniketing Konsevesen miting i bin kamap long Pot Mosbi we 150 konsevesen profesenel i bin kamap. Ol komyuniti husat i bin kamap long ol dispela miting, i bin kam long 20 provins bilong Papua Niugini.

Long mun Epril, 10-pela manmeri husat i bin winim skolasip bilong Enhansing Konsevesen Kepesiti Program i bin greduet long University of Papua New Guinea wantaim Posgreduet Diploma long Baiodaivesiti Konsevesen. Long mun Desemba, 42 komyuniti konsevesen woklain i bin greduet wantaim setifiket bilong Baiodaivesiti Konsevesen.

Ol rispons bilong ol stekholda long dispela baiodaivesiti ofset program bilong EMPNG, i soim olsem em i strongim gutpela wok bilong bringim ol komyuniti konsevesen i kam bung we ol i ken toktok na givim infomesen bilong helpim strongim save long ol eria i sot long nesenel level wantaim ol komyuniti-beis konsevesen ogenaísesen. Wanpela eksampel, Lake Kutubu Wail laip Menesmen Eria Komiti i wok long soim olsem ol i kisim gutpela save long mekim ol wok bilong konsevesen.

Na long Apstrim eria, komyuniti bilong Lowa Kikori i kam bung long makim ol eria bilong konsevesen.

Planti wok bilong fil sevei i bin kamap long 2019. Sampela bilong ol em wok bilong sekap long baiodaivesiti, dispela wok i save kamap tupela taim long olgeta yia. Ol i sekap tu long ol diwai i gro gen na ol i mekim sevei bilong ol gras nogut. Dispela sevei i save kamap wanpela taim long yia. Long 2020 bai ol i pinisim wok bilong glasim ol data ol i bin bungim long dispela sevei.

I bin gat ripot bilong 52 liklik envairomen insiden ol i skelim long mak bilong Severity Level <0, i bin kamap long 2019, wantaim 29 Severity Level 1 non-konfomens. Ol i stretim pinis ol dispela hevi. Planti bilong ol dispela envairomen insiden na ol non-konfomens i kamap long kwaliti bilong weist wara.

WOKFOS DEVELOPMEN

I gat 3964 wokmanmeri wantaim ol lain bilong ol ted pati kontrakta, i bin wok long PNG LNG long 2019. Dispela em 700 moa wokmanmeri, i abrusim mak bilong 2018, bikos i bin gat ol konstraksen wok bilong stretim ol bagarap guria i bin kamapim. Na tu, wok i bin kamap long statim gen Angore Gedaring Sistem projek.

PNG LNG wokfos i bin gat 3411 sitisen bilong Papua Niugini, dispela em inap long 86 pesen bilong olgeta wokmanmeri. Seventin pesen bilong ol Papua Niugini wokmanmeri em ol meri.

Long 2019, i bin gat moa long 96,700 aua bilong trening long moa long 2570 kos, na moa long 37,300 wokmanmeri na ol kontrakta i bin stap insait long en. Nainti-et pesen bilong ol trening aua em ol i givim long ol sitisen bilong Papua Niugini. Long taim prodaksen i bin stat, samting olsem 296,000 aua bilong trening em ol i givim long moa long 14,600 pipel husat i bin go stap insait long ol dispela trening kos.

EMPNG i statim nupela program ol i kolim Ensinia in Operesen developmen program bilong ol nupela ensinia. Dispela program i stat wantaim wan wik orientesen na sikispela wik we ol nupela ensinia i bihainim ol woklain bilong operesens na meintenens long save gut long ol, na save long ol wok bilong fil.

Ol Operesens na Meintenens teknisen i gat sans tu long developim wok bilong ol. Stat long 2010 i kam inap nau, 220 sitisen bilong Papua Niugini i bin stap insait long dispela Operesens na Meintenens trening program. I bin gat ful-taim wokples trening long operesens na meintenens tred wok long HGCP na LNG Plent. Long pinis bilong 2019, 26 bilong ol 32 posisen bilong Kontrol Rum Teknisen o moa long 80 pesen, em ol sitisen bilong Papua Niugini i holim. Na 10-pela em ol meri, husat i makim 38 pesen bilong ol Papua Niugini Kontrol Rum Teknisen.



Ol nupela rekrut ensinia long LNG Plent

Ol namba faiv treni teknisen bilong Operesens na Meintenens program i bin pinisim 12-pela mun Junia Teknisen program long Kumul Petroleum Academy long mun Desemba. Moa long 2000 lain i bin aplai long namba sikis intek bilong Operesens na Meintenens Training Program na ol i makim 18 long statim trening bilong ol long Kumul Petroleum Academy long Mas 2020.

EMPNG i bin go stap long 39th International Association for Impact Assessment konpres long Brisbane, Australia long 2019. Ol wokmanmeri na ol konsalten bilong EMPNG i bin presentim 11-pela konpres pepa na i bin sindaun olsem siaman long tripela sesen. EMPNG i bin sponsa long 15 Papua Niugini envairomen na konvesen profesenel wokmanmeri bilong gavman, ol yunivesiti na non-gavman ejensi long go stap long dispela konpres.

SAPOTIM OL PAPUA NIUGINI BISNIS

Long 2019, EMPNG i selebretim 10-pela yia long wok patna wantaim ol Papua Niugini bisnis, na ol lenona kampani (Lancos) olsem Hides Gas Development Company Limited (HGDC), Laba Holdings Limited na Trans Wonderland Limited.

Insait long ol dispela 10-pela yia, EMPNG i bin givim wok long ol lokal saplaia long taim ol wok long konstraksen na prodaksen i bin kamap. Long 2019, ol 13 Lanco na sampela

270 non-Lanco Papua Niugini bisnis i bin givim servis bilong sekiuriti, katering, meintenens bilong ol liklik kar, rentim aut ol bikpela masin, kliaim ol bus, transpot, freit na lojistik, sevei, konstraksen material testing na ol medikal servis.



EMPNG Menesing Dairekta, Andrew Barry, i selebretim 10-pela yia bilong patnasip wantaim ol Lancos HGDC, Laba Holdings Limited na Trans Wonderland Limited

Mak bilong mani EMPNG i bin spendim long ol bisnis long Papua Niugini long 2019 em PGK755 milien (US\$221.6 milien) na long 2018, em i bin spendim PGK567.3 milien (US\$166.5 milien). Long dispela mani, klostu olsem PGK239.3 milien (US\$70.2 milien) em i bin spendim long ol servis bilong ol Lanco, long 2018 em i bin spendim PGK184.3 milien (US\$54.1 milien). Long taim prodaksen i stat i kam inap nau, EMPNG

i spendim klostu olsem PGK3.8 bilien (US\$1.1 bilien) long ol Papua Niugini sevis, na em i spendim PGK1.1 bilien (US\$322.8 milien) long ol Lanco.

Enterprise Centre i bin wokim 24 bisnis asesmen, we 14 asesmen em bilong ol Lanco. Em i givim moa long 8500 de long trening bilong ol Papua Niugini bisnis long 2019. Dispela Centre i wokim pinis 600 bisnis asesmen, na i givim samting olsem 46,500 de bilong trening na i sapotim 20,000 ol bisnisman na meri long taim em i statim wok bilong em long 2010 i kam inap nau.

SOSEL DEVELOPMEN

Long 2019, EMPNG i bin givim sapot long ol skul, we em i wokbung wantaim ol provinsal gavman: tupela nupela haus bilong ol tisa, wanpela dabol klasrum na ol toilet long Para Praimeri Skul; wanpela nupela haus bilong tisa na ol toilet long St. Paul's Praimeri Skul long Komo; ol toilet bilong Redscar Haikul na Boera, Lea Lea na Papa praimeri skul.



Ol studen na tisa i selebret long taim bilong opim nupela haus bilong tisa long St. Paul's Praimeri Skul long Komo

Ol 32 Papua Niugini bisnismeri i bin pinisim wanpela 14-wik Academy for Women Entrepreneurs onlain bisnis kos we EMPNG na United States Embassy long Pot Mosbi i bin sponsa long en. Dispela onlain bisnis kos em i nupela program bilong givim save na ol prektikel skil long ol meri long kirapim ol sastenebel bisnis bilong ol.

Dispela kos i givim onlain edukesen risos, strongim netwok bilong sapotim mentosip, na i konektim ol meri long ol bisnis sapot program.

EMPNG i bin givim PGK230,000 (US\$67,500) long Papua New Guinea University of Technology long helpim Ensinia dipatmen bilong ol long kisim Washington Accord akreditesen. Dispela Washington Accord em i wanpela intenesenel akreditesen agrimen. Em i putim ol stended bilong profesenel ensinia digri na ol kantri husat i sainim agrimen i luksave long em. Ensinia dipatmen bilong yunivesiti i laik lukim basela digri bilong en i mas kisim dispela intenesenel luksave long 2022.

Ol yut bilong foapela provins long Papua Niugini i ken aplai long wanpela nupela skolasip em Business and Professional Women's Association na EMPNG i sapotim.

Spotlait

Hiri Moale kalsa i kam bek gen

EMPNG, wantaim Advancing PNG: Women Leaders Network, i bin sapotim wanpela woksop bilong wokim ol sospen graun long Porebada Viles long mun Julai. Dispela woksop i bilong kirapim bek pasin bilong ol Hiri Motu long wokim ol sospen graun we bipo ol i save karim i go long taim bilong Hiri Trade long senis wantaim ol arapela lain. Dispela woksop i kamap pastaim na bihain Hiri Moale Festival i bin kamap long Ela Beach long Pot Mosbi long mun Septemba.

Hiri Moale Festival i save kamap long olgeta yia. Em i makim pasin tumbuna bilong senisim ol sospen graun long kisim saksak na ol arapela samting namel long ol pipel bilong Gulf provins na ol pipel bilong Motu Koita. Festival i save stat taim dispela bikpela dabol kanu, lagatoi i kam sua long nambis na Festival i save pinis long taim ol i makim Hiri Kwin. Dispela 2019 Hiri Kwin i bin kisim skolasip mani mak long PGK20,000 (US\$5870) olsem wanpela prais bilong em.

EMPNG i bin sponsa long Hiri Moale Festival long sikispela yia inap nau, na i givim PGK67,000 (US\$19,660) donesen long 2019. Dispela Festival i bin gat tu Motu Koita Music Festival na Vanagi (kanu) resis.



Wanpela man i putim ol tumbuna bilas na redi long singsing long 2019 Hiri Moale Festival

Wanpela skolasip, ol i tokaut long en long mun Oktoba, em bilong sapotim ol sumatin bilong Hela, Southern Highlands, Gulf na Central provins long go skul long ol vokesenel skul, teknikel koles o long ol yunivesiti insait long kantri. Bai ol i givim 30 skolasip long olgeta yia.

EMPNG i givim mani bilong sanapim wanpela nupela helt senta long Juni long Hela Provins na stretim gen Para Helt Senta, Mananda Helt Senta na Benaria Helt Senta. Ol i apgredim ol dispela helt sevis taim ol i wok bung wantaim ol lokal lida, ol sios, lokal kontrakta kampani, ol Lanco na provinsal gavman.

Nupela Porebada Helt Senta i bin op long 2019. Dispela Helt Senta bai lukautim Porebada Viles na ol komyuniti i stap klostu olsem Papa, Lea Lea, Boera na Roku. Dispela Helt Senta i kost PGK1 milien (US\$293,500) na mani i bin kam long royalti mani bilong ol papagraun long PNG LNG prodaksen, i kam long Mineral Resources Development Company Limited na Community Infrastructure Trust Fund i lukautim. Dispela Helt Senta i gat bet bilong ol sikman, rum bilong ol mama i karim bebi, imejensi rum, konsaltesen rum, na edministresen opis, miting rum, na famasi na autpesen eria. Em i givim helt sevis long samting olsem 30,000 pipel husat i save go long Pot Mosbi long kisim marasin bipo. EMPNG i givim ol medikol ikwipmen tu long dispela Helt Senta.

WOKBUNG WANTAIM OL STEKHOLDA NA KOMYUNITI

Long 10-pela yia nau, PNG LNG i bin bung na toktok wantaim moa long 400,000 stekholda.

Long 2019, samting olsem 65,000 pipel i bin stap long 3960 bung long ol 178 komyuniti. Dispela i karamapim tu ol 1737 fomol na ol 2223 infomol bung.

Long Apstrim eria, ol bung i toktok long ol ektiviti bilong komyuniti developmen, olsem maket de bilong salim ol gaden kaikai, ol komyunitiivent na ol selebresen olsem Independens De. Long ol viles i stap long LNG Plent sait, ol i toktok long sefti long solwara, long rot na sefti bilong ol pipel na ol dispela edukesen sesen i bin kamap long ol komyuniti na skul.

I bin gat skul bilong lukautim ol mangro i bin kamap long ol komyuniti i stap long LNG Plent sait.

Ol arapela bung i bin toktok long ol komyuniti developmen sapot projek na ol komyunitiivent long Papa, Lea Lea, Boera na Porebada viles na sampela komyuniti we i stap longwe tu.

Moa long 1000 pipel i bin kamap long 63 EMPNG edvokesi woksop na bin gat sans long lukluk raun long LNG Plent sait long 2019. Edvokesi woksop bilong EMPNG i wok long pulim intres bilong ol intenesenel gavman. Long dispela yia, ol mausman bilong gavman bilong Germany, Tanzania, China na Japan i bin stap insait long woksop na ol i go lukluk raun tu long sait.



Ol memba bilong Mbelopa Wimens Grup i redi long salim ol gaden kaikai long maket

Taim ol edvokesiivent i bin kamap long LNG Plent sait, i bin gat ol edvokesi woksop i bin kamap tu long Hela na Western provins wantaim ol mausman bilong ol provinsal na lokal lev ol gavman. I bin gat 250 pipel long ol skul na komyuniti na ol yut ogenaísesen husat i bin go lukluk raun long HGCP sait.

Ol gutpela wok bilong PNG LNG i kamap long strongpela wokbung em i bin kamapim na strongim wantaim ol pipel bilong Papua Niugini. EMPNG na ol komyuniti bilong Papua Niugini i ken lukluk i gohet long narapela tenpela yia i kam bihain, long kamapim strongpela iekonomik na sosel developmen bilong kantri.

KOMEMORETIV FITSA: 10-PELA YIA BILONG SOSEL NA IKONOMIK GRO LONG PAPUA NIUGINI

PNG LNG i makim 10-pela yia bilong patnasip insait long Papua Niugini. Wok i bin stat wantaim gavman ol non-gavman, ojenaisesen, na ol lokol komyuniti long 2009 long developim na strongim ikonomi na sosel developmen long kantri long ol wei kantri i ken gro na sanap long strong bilong em yet.



PNG LNG i makim 10-pela yia bilong patnasip wantaim ol komyuniti bilong Papua Niugini

Sampela bilong ol planti samting PNG LNG i kamapim wantaim ol komyniti long las 10-pela yia, i stap insait long dispela spesel komemoretiv fitsa.

LONG KONSTRAKSEN I GO LONG PRODAKSEN

Bihain long Environmental Impact Statement i bin pinis long 2009, ol konstraksen wok bilong dispela US\$19 bilien PNG LNG fasiliti i bin kirap long stat bilong 2010. PNG LNG i karamapim Southern Highlands, Hela, Western, Gulf na Central provins long Papua Niugini. Na i gat moa long 700 kilomita paipain, tupela tren insait long LNG Plent, wanpela LNG Plent Marin Teminal, HGCP, na ol arapela infrastraksa wantaim wanpela opis long Pot Mosbi.



Long han kais : EMPNG Operesens Teknisen, Ramona Terence; EMIT Asia Pacific Sefti Edvaisa, Faridah Saibon; EMIT Sekiuriti na Kontrols Opisa, Rita Nale; EMIT Global Sefti, Helt na Envairomen Menesa, Brenda Short; na Operesens Teknisen, Moale Bae long LNG Plent sait pletfom bilong ol visita i sanap na lukluk

Bihain long komisin bilong ol nupela fasiliti, prodaksen i bin stat long 23 Epril 2014. Bihain long dispela, PNG LNG i kamapim samting olsem 43 milien ton bilong LNG, we ol i salim 580 LNG kago i go long ol kastoma long Asia.

Long taim ol wok i stat, EMPNG husat i menesim operesen bilong ol fasiliti bilong PNG LNG, i bin pasim tingting long bihainim ol seif wei bilong kamapim operesen bilong em long LNG Plent. Long pinis bilong 2019, ol PNG LNG fasiliti i kamapim moa long 8 milien ton LNG long wanpela yia.

WOKFOS DEVELOPMEN

PNG LNG i winim dispela mak bikos long gutpela wok na save bilong ol wokmanmeri bilong en.

Long taim bilong konstraksen, namba bilong wokfos bilong PNG LNG i bin stap olsem 55,000, na long pinis bilong 2012 namba bilong ol wokmanmeri i bin go antap stap long 21,220. Long dispela taim, klostu ol 8500 woka, o 40 pesen, em ol sitisen bilong Papua Niugini.

Long pinis bilong 2019, i bin gat 3964 pipel i wok long PNG LNG. Namel long ol em ol 3411 sitisen bilong Papua Niugini na 570 bilong ol em ol meri.

EMPNG i givim ol sans bilong wok, we i gat wok bilong supavaisa bilong ol wokmanmeri long operesens, meintenens, ensinia, teknikel, humen risos, prokumen, infomesen teknoloji, lo na sefti, helt na envairomen, Ol Papua Niugini wokmanmeri i gat sans long go skul long ol ovasis kantri long Operesens na Meintenens trening program, Eli Keria Greduet Intasenis program o long ol arapela intenesenel program.

Kampani i save lukluk long kisim ol wokmanmeri bilong ol eria klostu long ol prodaksen fasiliti sapos i gat. Long total namba bilong ol Papua Niugini wokmanmeri, 50 pesen i wok long ol woksait klostu long lokal eria bilong ol.

Long developim ol teknikel skil bilong ol wokmanmeri, EMPNG i save givim fomal klasrum, in-haus na trening long wokples, na ol intensip na greduet program. Long taim bilong konstraksen, PNG LNG i bin givim moa long 2.17 milien aua long trening insait long ol 12,900 trening program. As tingting bilong dispela em long givim ol wokmanmeri ol skil bilong helpim ol long wok bilong ol. Bihain long prodaksen i stat, i bin gat moa long 296,000 aua trening i go long moa long 14,600 wokmanmeri.

OL PAPUA NIUGINI BISNIS I GRO

“Trening na mentosip, i helpim ol lokal bisnis long kamapim gutpela sevis we kwaliti bilong em i antap moa, na PNG LNG i givim dispela sans long ol bisnis bilong ol long gro. Sapos i no gat dispela sans, bai ol i no inap long gro. Dispela ol save bilong binis developmen, i go bek nau long ol lokal komyniti na i wok long kamapim bikpela senis tru long lokal ikonomi.”

Joshua Coughran, Jeneral Menesa bilong Laba Holdings Limited, Lanco bilong ol LNG Plent komyniti.

Long taim bilong wok konstraksen na prodaksen i kamap, PNG LNG i pasim tingting long yusim ol lokal guds na sevis na givim trening long strongim save bilong ol Papua Niugini bisnis.

Long 2010, PNG LNG i helpim long kirapim Enterprise Centre wantaim Papua New Guinea Institute of Banking and Business Management. Dispela Enterprise Centre i mekim sampela 600 asesmen bilong ol lokal bisnis long kamapim gut operesen bilong ol. Em i givim tu moa long 46,500 trening de long ol pablik na praivet sekta ogenaísesen.

Bipo long konstraksen bilong PNG LNG, Gavman bilong Papua Niugini i bin givim sid mani bilong helpim ol Lanco bilong ol ples insait long operesen eria bilong PNG LNG, long givim ol sevis na material bilong konstraksen, i go long PNG LNG na ol arapela kastoma.

Ol tupela ambrela Lanco, Laba Holdings Limited na HGDC i bin mekim planti bikpela wok long taim ol konstraksen wok i kamap. Laba Holdings Limited em ambrela kampani i makim ol Lanco bilong foapela viles long LNG Plent sait – Papa, Lea Lea, Boera na Porebada. HGDC em i ambrela kampani bilong ol Lanco long Apstrim eria.

Long 2019, EMPNG i selebretim 10-pela yia bilong wok wantaim HGDC, Laba Holdings Limited na Trans Wonderland Limited.



Ol Lanco na ol wokmanmeri bilong EMPNG i selebretim 10-pela yia patnasip

“Sapotim ol lokal bisnis em i praioriti bilong mipela. Wok bilong givim save na strongim ol Papua Niugini bisnis bai kamapim planti sans bilong ol lokal sitisen na bai strongim iekonomik developmen we kantri inap sanap long strong bilong em yet.”

EMPNG Menesing Dairekta, Andrew Barry.

Long taim bilong prodaksen, ol Lanco i wok long givim ol guds na sevis yet long PNG LNG na ol i opim rot bilong givim tu ol arapela sevis olsem, haia bilong ol leba, meintenens, skafolding, riging, fabriken, transpot, fuel distribusen, kontena freit, katering, hauskiping, saplai bilong kaikai na ol arapela sevis. Ol non-Lanco Papua Niugini bisnis i kisim kontrak bilong ol kain sevis olsem, ensinia, sekiuriti, freit na lojistiks, saplain kaikai, transpot bilong ol woklain, kastoms kliarens na ol medikol sevis.

Long 2010 i kam inap nau, PNG LNG i spendim klostu olsem PGK14.8 bilien (US\$4.34 bilien) long ol Papua Niugini sevis, we ol i spendim PGK3.82 bilien (US\$1.1 bilien) long ol Lanco.

KOMYUNITI DEVELOPMEN

Insait long dispela 10-pela yia, PNG LNG i bin wok wantaim gavman na ol non-gavman ogenaísesen long sapotim ol komyuniti developmen projek bilong helt, edukesen, komyuniti laivlihud sapot na strongim wok bilong ol meri. Wanpela eksampel, PNG LNG na ol komyuniti developmen sapot patna bilong en, i kamapim ol iekonomik opotuniti bilong ol meri long laivlihud developmen program. Ol i givim tu ol edukesen program olsem tisa trening na ol bikpela wok bilong stretim ol skul long ol komyuniti long Apstrim eria na LNG Plent sait, na i invest long risets na trening bilong ol helt kea woka.

Dispela Komyuniti Laivlihud Impruvmen Projek em i wanpela eksampel bilong PNG LNG i helpim long developim ol skil na save bilong ol lokal fama. Ol i kisim skul long ol sids na pasin bilong planim ol kaikai, krop menesmen, lukautim ol kakaruk, na kaikai na helt haijin. Dispela Projek i givim ol sid na ol kaikai bilong planim, ol tul, laipstok na kakaruk. Em i helpim tu moa long 10,000 pipel long ol komyuniti long stretim gut sindaun bilong ol na kirapim ol liklik bisnis bilong kisim mani bilong lukautim famili na ol arapela lain long grup bilong ol.



Tepele Akilo lida bilong Mbelopa Wimens Grup i bin skul long lukautim ol kakaruk long Komyuniti Laivlihud Impruvmen Projek

PNG LNG i wok long givim sans long ol meri long trening na developmen. Dispela Global Women in Management (GWIM) program i kamap long Wimens Iekonomik Oportuniti Inisitiv. As tingting bilong dispela program em long strongim ol meri lida long olgeta hap insait long Papua Niugini. Dispela GWIM program i gat gupela nem long givim ol skil long ol meri na netwok bilong ol lain i bin stap insait long program. Em i save helpim ol dispela meri long kamapim ol senis long lokal komyuniti bilong ol. Long taim program i bin stat, ol i lukluk long strongim skil bilong wan wan meri tasol. Nau em i kamap bikpela na i save givim trening bilong trenim trena- long helpim ol dispela meri i kisim nupela save i go bek long komyuniti na skulim ol arapela. Eksampel, long Epril 2019, GWIM alumnae Margaret Harvey i bin go long Washington DC long stap long wan wik miting bilong Disainina na Fasiliteting GWIM Step-Daun trening program long strongim skil bilong em long trening disain na woksop fesilitesen. Dispela trening program i bin helpim Margaret long yusim ol samting em i bin lainim long GWIM ekspirians long strongim kepesiti bilong ol arapela meri long Papua Niugini. Em i wanpela bilong ol 64 GWIM alumnae husat i stap insait long Advancing PNG: Women Leaders Network na em i namba faiv memba bilong GWIM alumnae bilong Papua Niugini long go stap long dispela train-the-trainer program long Washington DC.



Ol ektiviti bilong Nesenel Literesi Wik long Port Moresby Nature Park

Long 10-pela yia nau, PNG LNG i bin wok wantaim ol lokal stekholda long kamapim gut ol edukesen fasiliti long ol elementri skul i go inap long yunivesiti. Dispela i lukim ol i sanapim planti ol skul fasiliti, givim skolasip long yunivesiti na developim gut ol skul program, kain olsem Saiens Embeseda Program. Dispela program em bilong kirapim tingting bilong ol praimer i na haikul sumatin long tingting long mekim ol wok long eria bilong saiens, teknoloji, ensinia na metmetiks long ol edukesen ektiviti. Moa long 5000 sumatin i bin tek pat long Saiens Embeseda Program, na klostu olsem 90 klasrum ol i bin go long em long Apstrim eria, ol viles insait long LNG Plent na ol skul insait long Pot Mosbi long taim dispela program i bin stat long Papua Niugini long 2013.



EMPNG Operesens Teknisen, Simon Koila, i toktok long Saiens Embeseda Program long Ai'io Praimer Skul

PNG LNG i wok wantaim ol non-gavman ogenaísesen olsem Port Moresby Nature Park, long wokim ol edukesen skul ekskesen program bilong olsumatin. Moa long 80,000 skul sumatin i bin lainim ol samting long dispela program bilong Nature Park.

Long las 10-pela yia, EMPNG na ol Papua Niugini komyuniti-beis helt ogenaísesen i bin go pas long mekim ol wok bilong kamapim ol gutpela fasiliti na helpim helt bilong ol pipel long ol Apstrim eria na long ol eria long LNG Plent sait we ol dispela viles, Papa, Boera, Lea Lea na Porebada i stap. Dispela i karamapim ol nupela klinik fasiliti long ol hap olsem Benaria, Para, Porebada, Juni na Mananda. PNG LNG i wok bung wantaim ol ausait ogenaísesen olsem Texas Children's Hospital na Baylor College of Medicine, long sapotim helt bilong ol mama na pikinini long Papua Niugini. Dispela program i lukim ol dokta bilong Texas Children's Hospital i spendim moa long 1200 aua long skulim ol Papua Niugini helt kea profesenel, na moa long 870 andagreduet na 105 postgreduet sumatin i bin kisim skul long ol speselis dokta bilong ol pikinini.

SASTENABEL PATNASIP

Olsem opereta bilong PNG LNG, EMPNG bai i go het long wok klostu wantaim ol komyuniti, gavman na ol non-gavman ogenaísesen long bildim ol wok antap long dispela faundesen ol i bin sanapim long 10-pela yia i go pinis. EMPNG i lukluk long kamapim ol hai kwaliti program wantaim olgeta developmen patna na ol stekholda long kamapim ol sosel na iekonomik developmen we inap long helpim kantri long ol yia i kam bihain.

Project headquarters

ExxonMobil PNG Limited
Jacksons Parade
Port Moresby
National Capital District
Papua New Guinea

GPO Box 118
Port Moresby
National Capital District
Papua New Guinea

Email pnglngproject@exxonmobil.com

Web www.pnglng.com

Facebook [@ExxonMobilPNG1](#)

Twitter [@ExxonMobil_PNG](#)



*Energy for the World. Opportunity for Papua New Guinea.
Eneji Bilong Wol. Luksave Bilong Papua Niugini.*